

東三省同胞死傷一百餘萬人

二十萬人同聲一哭

上海空前之民衆大會
 △請中央宣佈對日絕交
 △永遠提倡國貨救國家
 上海民衆大會(二十五)日上午開反
 日大會。到會人士之踴躍爲空前
 所未見。到會人數約有二十萬人
 會場空氣異常緊張。因人數過多
 多。致警察當局維持秩序。頗爲
 費力。全市警察。皆已出動。租
 界巡捕亦恐發生事變。加緊戒備
 雖然如此。亦幾難于約束。因
 到會者沿途高呼口號。憤怒日本
 之熱度。已達極點。開會時反對
 日本侵略之呼聲。不絕於耳。當
 鳴鐘對東三省死難同胞靜默誌哀
 時。一種悽慘氣氛。充滿會場。
 到會之人。有甚多痛哭流涕者。
 演說者多已哭不成聲。大會歷三
 小時之久。通過對待日本之議案
 十四宗。其中較重要者。(一)以
 上海民衆大會名義。請求中央即
 日宣佈與日本絕交。召回外交官
 及僑民。實行對日宣戰。(二)
 苟日本當局不遵國際聯盟之調停
 則日撤強佔東三省之軍隊。東
 三省重要官吏。因彼等疏忽職責
 已不能不用外交手腕以解決糾紛
 復不能預防事變之發生。致無
 辜同胞。受日軍之荼毒。(三)促
 南京廣東兩方領袖合作救國。統
 一政權共同對外。(四)促全國民
 衆一致起來準備爲國效死。請中
 央實行用強迫徵兵制度。訓練強
 有力之救國軍。以禦外侮。(五)
 請求中央准許各公衆機關社團。
 恢復活動。俾統一各階級民衆之

對外行動。(六)促全民衆提倡國
 貨。永遠以某種經濟政策。對待
 對方。(七)促全國民衆一致起來
 作政府救國之後盾。注意奸商
 行動。用某種手段對待之。
 上海民衆反日大會完畢後。二十
 萬到會人士。即結隊巡行各華界
 街市。秩序甚佳。沿途高呼口號
 空氣異常緊張。
 上海民衆大會已派遣代表赴南京
 請中央實行大會之議決案。並與
 首都各民衆團體聯絡。行將派遣
 代表至各地宣傳。

日軍行動強橫至極

△不合法律復不遵條約
 △我國要人力斥日陸相
 國府某要人談話。日軍繼續開入
 東三省境內。不顧中國之干涉。
 查光緒三十一年(一九〇五)中日
 會訂之東三省條約。曾規定中東
 鐵路俄軍撤退時。日軍亦應同時
 撤退。但俄軍撤退有年。日軍匪
 特橫行如故。未撤一兵一卒。反
 而繼續增兵。無論如何。日軍行
 動。已完全失却法理之根據。雖
 日本當局如何欺騙世界各國。均
 不能自圓其說。方今世界強權即
 是公理我國民衆應急起圖云。

日本陸相南氏。近曾作一聲明。
 謂日本在南滿鐵路每啓羅米突距
 離中有駐十五軍士之權。計全路
 之長爲一萬六千五百羅米突。而
 現在日軍之實數僅爲一萬四千
 名等語。國府外交部發言人今日
 提論此事。謂日軍駐在東三省者
 據報已超過兩師軍額。此外尚

有由朝鮮開入之軍隊及日本義勇
 隊。總共最少有五萬人左右。該
 發言人指明日人所謂有此權利
 者。顯係根據一九〇五年日俄波
 斯茅茨條約附則第一條之規定。
 該條文謂日俄兩國保留駐衛路
 軍之權。在每啓羅米突之距離中
 不能超過十五名。該波斯茅茨
 條約。中國僅承認其認中某一部
 份。但中國始終未曾承認條約。即
 其附件亦未得中國承認。尤有進
 者。一九〇五年之北京條約附件
 第二條規定。若俄國撤退衛路軍
 隊時。日本亦應同意照行撤兵。
 因此之故。自俄國撤兵與中國軍
 隊負責保護中東鐵路以還。日本
 軍隊繼續駐守東三省之舉。已失
 去法理之根據與條約之裁可。

東三省死人百萬餘

△第三者方面之消息
 外人消息稱。瀋陽地方被日軍轟
 擊之慘狀。筆墨難以形容。北大
 營死屍堆積如山。難民哭聲震天
 市內重要建築物及民房。大部
 已成灰燼。日軍飛機。隨意投彈
 示威。機關槍大砲。亦隨時放發
 約計在被佔據及未佔據之區域
 內。我國民衆死傷人數。總在一
 百萬人以上。財產損失無數。

國聯會中之大爭辯

△我代表力斥日人之言
 今日國聯理事會開會時。中日兩
 國代表曾作激烈之辯論。逾兩小
 時之久。日本代表力言其政府政
 策之誠摯。並謂其政府已決定撤
 退所有佔領區域內之軍隊。我國
 代表施肇基駁斥日代表之聲明。
 認其完全不實。並堅請指派各中

立國組織之委員會。監督日本撤
 兵。理事會議主席詩士爵士爲唯
 一參加發言人。彼以從容態度。
 從事調解。並表示其意見云。國
 聯理事會按盟約第十一條所規定
 以施行其宗旨。彼宣稱兩國須
 按該盟約以解決糾紛。倘仍不能
 解決時。此案當再提出理事會議
 討論。主席至是。宣告休會。俾
 各會員得以重行審查此事。
 今日足以令人紀念之理事會。頗
 似數年前意大利與希臘爲科佛事
 變所起之爭執情形。國聯會場。
 擠滿新聞記者國聯職員及聽衆。
 會議經整理日常事件。如奧匈財
 政問題及設立萬國農契抵押公司
 等事件以後。即從事討論滿洲事
 件。主席對日代表所作關於撤兵
 之聲明。表示滿意。繼而中日兩
 國代表各作關於滿洲局勢之聲明
 畢。施肇基博士即發言云。中國
 已將此事件完全交付國聯辦理。
 同時請國聯令日本即刻撤軍。施
 氏復謂中國人民現雖憤恨日本。
 惟迄未聞在華日僑被擾之事發生
 足見中國政府管理人民之能力
 極爲穩固。詩士爵士云。爲保護
 一國人民之生命起見而派遣軍隊
 佔據城市。殊屬危險之事。彼請
 求理事會任命一中立之委員會。
 前往肇事地點調查事變真象。日
 本代表芳澤則謂彼已於答覆中表
 明日本之態度。主席宣稱。理事
 會將使此種糾紛。依兩國之善意
 以解決之。彼希望日本能作速撤
 軍。並請中國允保護撤退區域中
 之日僑。至是主席宣稱延會。進
 行與兩國代表磋商。

九月廿七日路透社日內電

日本政府欲實行併吞東三省

★日本決定滅亡滿州

△偽託東三省民衆獨立
路透社東京消息稱：日本政府決定採取淪亡高麗之方法，以併吞東三省。一面利用我國國賊，鼓吹東三省獨立之主張。一面對世界宣佈，謂東三省民衆主張獨立，脫離中國，並謂東三省之獨立運動已經發動。首領爲袁金凱。袁氏現已要求日本當局之贊助。故日軍一時不能退出東省等語。衆信此種消息係指明日軍欲永遠佔據東三省。首以扶助獨立爲名。繼而加以併吞。此種計劃。殊屬狼毒已極。全國民衆接到此種消息後。反對日本之空氣更見緊張。上海民衆救國會。在各街路上標貼警語。謂「東省寸土不還。全國民衆共同效死」。

★遼甯主席實行絕食

△拒絕日本之威迫利誘
遼寧主席臧式毅。被日軍囚禁後。即與外人不通消息。近據西報記者訪悉。臧氏受盡種種極難堪之虐待。日軍當局。雖從事威迫利誘。均不能使臧屈服。日本當局偽造甚多不利中國當局。及加罪於中國官民之文件。強迫臧氏簽字。但均被拒。臧氏現實行絕食。以示不屈態度。聞絕食已有多日。恐有性命之虞。

★甯爲玉碎不求瓦全

△全國民氣已達到沸點
日本軍隊除進擊北寧鐵路並增派

艦隊到中國沿海各地尋覓外。關外飛機。尙到處掃射。且日甚一日。不顧公理。中國所受之損失。已經不可勝數。現在民氣達沸點。各地人民。連日均舉行大會。組織救國會或義勇軍。各學校學生亦自動組織學生軍。上海全體學生。已決定於九月二十七日。實行大罷課。全國救國呼號。有如風起雲湧之勢。政府方面固因靜待國聯主持公道。尙未對日宣戰。但日本已派遣甚多戰艦到中國。即漢口一地。已到有日本戰艦二十一艘。且不時向岸上開砲示威。重慶日本領事。並向中國地方官恫嚇。謂苟引起日軍之非常舉動時。日本不負一切責任等語。日本海陸空軍之侵華暴行。有如洪水猛獸。倘國聯仍不肯出而維持世界和平。一致嚴重制止日軍行動。中國民衆終不免有寧爲玉碎不求瓦全之舉。

★日本海陸軍之橫行

△陸戰隊竟在海州登岸
兩艘日本軍艦開抵江蘇之海州。陸戰隊現已登岸。不顧我國政府之抗議。美國戰艦一艘亦已開往海州。嚴密監視日軍艦行動。日軍現從事破壞北寧鐵路交通。

★東北事變發生經過

△外人証明係日本開釁
北平消息。由瀋陽來北平之西人云。此次日軍行動。實有極大作用存乎其中。所謂華兵炸燬南滿

★國聯舉動令人失望

△中國之主張諒難實現

中日兩國爭執事件。今日未曾發生新變化。雙方均堅持其主張。我國代表堅主組織一調查委員會。由國聯理事會委任中立之人員組織之。在他方面。日本代表則極端反對此種辦法。日代表並宣稱。此種辦法。僅能使事件起糾紛。日代表復質問曰。一中國政府對南京日本公使提議開直接談判。何以今復放棄其當初之主張。日本已經宣言預備與中國政府直接談判以解決糾紛。一中國方面所持之意見。認到苟請求組織調查委員會一事不照辦理。則對國聯之信仰心將受重大之打擊。理事會諒於星期一或星期二以前。對此事不能有最後之決定。

南京方面接到國聯決定對東三省事變不再有所舉動之消息。表示異常失望。

★今年之特別國慶日

△是日全國一律不娛樂
國府下令今年雙十節作爲特別之國慶日。是日一律停止娛樂。

鐵路之說。純屬日軍厚誣他人之辭。因南滿鐵路係雙軌。現在已經破壞者。只有一軌。以理度之。決非希圖破壞之人倉促所能爲。顯係日軍自行毀拆無疑。又查日軍於十八日夜間十一點十二分攻瀋陽之北大營。而日本報則誣華軍於九月十八日夜十一時半將南滿鐵路炸毀。即可見日軍之宣傳不確實。當事變發生後。日軍當局即派代表至華官廳要求簽押承認釁由華人所開。路由華人所毀。實際上日軍係於九月十九日拂曉。始用炸藥將南滿鐵路之柳河橋炸毀。此橋乃係日方後來誣華方所炸毀者。日軍將該橋炸毀後。即繼以大炮轟擊城市。當時瀋陽中國軍隊長官。用北平瀋陽長途電話。請示陸海空軍副司令張學良。張氏隨即諭令各長官勿加抵抗。未幾日軍即攻入瀋陽城。佔據各公共機關。復在城上安放機關鎗一排。向中國人民示威。繼後日軍即開始在城內大肆焚殺。中國軍隊亦全部被繳械。人民死傷無數。遍地皆屍。所有建築物民房街市。幾全部被焚。日軍到處搶劫姦淫。難民哭聲震天。一時秩序大亂。西人亦被日軍加以侮辱。花旗銀行美國人二名。及英美煙草公司之美人二名。均遭殺害。當時情形。確係如此。日軍佔據瀋陽後。即派出飛機到處投擲炸彈。復隨時從飛機上用機關鎗掃射云。